

# OMUKUETU

N:o 3

M A A R T

1951

## IJIMATI JEJUMUKO LJA KRISTUS. Mark. 16: 1—8.

Mehmpululo ljeitaalo otatu hempulula: „nokua jumuka kuusi esiku e itatu.” Otua guana okukoneka shoka sha ningua pomasiku ngeja, nejumuko lje shoka lje tu etele.

Cngula onene esiku etitatu Jesus okua jumuka. Okua zi mo mombila a piti poshijeelo she edilua nemanja, ina pumbua okutatula oshihako sha tulilua ko, okua zi mo ngashi a holokele kaalongua je ja li je edilua monljugo. Mevangeli ljopa Mateus otatu didilike Jesus ina jumuka mekakamo ljevi, ihe evi olja kakama omujengeli sho a zi megulu, nokua kulukile pevi, nokua kuca po emanja lja li poshijeelo shombila. Opo mpoka aalangi aakuiita oja haluka shili no ja ji ontuku.

Ihe okutseja iinima mbika ajike itaku guana. Otu nokutseja uo ejumuko lje, sho lje tu etele. Opo tu shi tseje naua otu nokutala omalupe gaali mu Kristus. Tango nkene a li ohepele nomukueji, nkene a shekua, nokua gundu, nkene okua z'ombinzi nokua sile komushigakano pokati kaakolokoshi. Olupe nduka lua Kristus otu noku lu tala meitaalo, no mokunekela osho osha ningua omolu oondjo detu, omoluetu oje okui igandja ondjambo. Omuntu kehe oku noku shi tseja shili, kokutja oondjo de odo tuu oda alula Kristus, nodo tuu de mu fala meso no mohoni. Shaa tuu olupe nduka tatu lu tala, otu nokudimbulukua oondjo detu jene odo tuu da tja ngaaka.

Ihe ohatu hempulula: Kristus okua alelua komushigakano, okua si, nokua fumvikua, okua ji moohi moshaasi, nokua jumuka kuusi. Esiku etitatu olupe nduka luoluhodi lua shituka olupe luopala lu nenjanju no lu nohenda, opo tuu tse tu tseje shili etalaleko ndika, oondjo detu oda kucua po, no da dipagua po, no mejumuko lje tse otua ningi aajuki naanelago, ngashi omujapostoli ota ti: Onguka a gandjelua omajonagulo getu nokua jumudilua uujuki uetu. Room. 4: 25. Ngele Kristus ina jumudua, nena eitaalo ljeni oljouala, one no mu li natango muulunde ueni. Ngele tui inekela Kristus omujuni mbuka amuke, nena otse oohepelelela tu vulike kaantu ajehe. 1 Kor. 15: 17,19. Oondjo doje sho de mu umbilua odo de mu alelica komushigakano. Ihe omolupe nduka olukuauo oto mono, muje kamu na ue oondjo, aue, uujuki auke. Kamu na ue eso, aue, omuenjo aguke, omuenjo gualuhe nguka gu vule omuenjo guokombanda jevi. Tu njanjukueni omolu olupe ndu. Olupe luuehame oluinaji luokutalua, ihe oluo uo oluanaua luokutula po omukanka gua kola. Omo to mono nkene oondjo doje da lundu oonkondo doje, nkene Kalunga e di kuca pu ngoje, nokue di tula kOmuuana ngoka e noonkondo e di humbate. Eca ano oondjo doje di kale puje. Ku na ehala liili li vule ndika ngu di falele ko, nkoka itadi ku hepeke ue.

Tala isheue olupe nduka olukuauo, ngu tale Omua Kristus nguka a li a hepekua omolu oondjo doje, nkene ngashingeji a jela, kuo opala, a adima a njanjukua, oondjo adihe kadi po ue pu je. Kala to pula, oondjo dandje, ngele Kalunga e di kuca ndje po, nokue di umbile ku Kristus, ihe ngashingeji kadi ko no kuje, odi li peni ano? Oshili da umbilua muule uefuta ngashi omuprofeti Mika a ti, na moka itadi adika ue nando ku satana nenge koshishitua shilue.

Oljo ehempululo ljetu ljeitaalo, noljo alike tali ningi omuntu omukriste, nando nali shekue kuujuni auhe. Ojendji taje li itaale pamukalo guouala, onke ano itali ningine mo moomuenjo, no itali longo sha, ngashi li nokulonga.

Ihe ngoka a hala a kale omukriste e nokuitaala nomuenjo aguhe ehempululo ndika, kokutja oondjo detu Kristus okue di humbatele komushigakano, nokue di futu nokusa kue. Oje tuu okua jumuka kuusi esiku etitatu omolu ejuukipalico ljetu. Meitaalo ndika tamu zi uo enjanju nomukumo. Olje ta vulu okukala kee nenjanju, sho ta mono Kristus nkene okua opala, a jela, a kola isheue, nando opo a li ohepele nomukueji omolu oondjo dandje. Opo mpoka to mono oondjo doje da kucua po, kadi ko ue. Omolua shoka aakulu jonale ja li taji imbi omahambelelondjimbo go opala ogendji.

Omuua guetu Jesus Kristus okui igandja muuehame no meso, ihe ompoka eso olja li lja puka. Omuenjo gue nani oguaaluhe. Eso inali mona, kokutja molutu lue, muua holama oonkondo domuukualuhe, doka dopa Kalunga, olja puka sho lja nukile komuntu ita vulu okusa, nando okui igandjele eso. Olutu lue lua si tuu shili, no lua fumvikua, ihe omuenjo guoguene inagu sa. Napa didilikue naua Kristus okua si shili palutu, ihe a kala e nomuenjo gualuhe. Eso olja longo alihe lja li tali vulu, kali na shoka tali vulu okuguedela ko ue. Omuenjo gua Kristus sho kagu shi kukuatlua keso, oje okua jumuka, oje ota ljatele eso naakuaci jaljo, uulunde nondiaboli, noje ota pangele momuenjo omupe no gualuhe moka uulunde nondiaboli neso kali vulu ue sha.

Euvico ndika oljo enene, no tali kumica, kali shi fukuatlua koondunge, aue, oli nokutaambua meitaalo. Kokutja Kristus oku nomuenjo, nando a sa, no mokusa kue eso ljoljene lja li li nokusila mo, no lja li li nokukanica oonkondo daljo. Euvico ndika atu ke li uvicilua opo tu kale tatu inekele shili, eso olja kanica po oonkondo daljo. Kalunga na hambelelu, kua holoka omulumentu a dipagua keso, ngashi aantu jalue, ihe mokusa kue oje okua nina po eso nokue li dipaga po. Omulumentu nguka, Kristus a li a dipagua, opo e li ngashingeji e nomuenjo. Kristus okua dimi po enjolo ljiipango lja li li nondumbo natse, okue li kuca po, nokue li aalele komushigakano. Oje okua juga aaua naanankondo omatati gauo, nokue ja tula pontundulu sho kue ja sindi muje nesindano ljoknkalo. Kol. 2: 14- 15.

Metumbulo moka omu niinima iijaali. Nokuhepekua kue tango Kristus okua dimi po enjolo ljongunga, tse tua li tu noku li zimina omolu ompango. Ompango ojo taji holola shoka Kalunga a hala omuntu e shi ninge, nenge e noku shi eca. Omuntu ngele a ningi, shoka sha indikua, nenge ina ninga shoka sha lombue-lua, eiuvo lje otali tameke oku mu tamaneka, nani kee shi omuvuliki. Eiuvo lomuntu oljo onzapo joku-hokolola, nkene omuntu okui ilongele egeelo lja Kalunga, oljo enjolo ljoongunga de.

Enjolo ljoongunga tali zile mompango. Ando kaku nompango, ando kaku nomajonagulo. Ihe ngashingeji enjolo ndika ljongunga Omua Jesus te li dimi po, te li tuula, te li aalele komushigakano, omolua shoka oje muene okua ningi oondjo, opo a kale a futu oondjo detu.

Noshinima oshikuauo. Kristus okua juga aaua naanankondo omatati gauo. Oje okua jugu oonkondo dondiaboli, nguka opo kaa uape ue okuhingila aantu muulunde, ngashi e shi ningi, aantu manga inaa ja ku Kristus. Kekuaco ljoombepo Ondjapuki aantu otaa vulu okuipopila noohapu neitaalo, sigo ondiaboli oku noku ja eca. Omolua shoka Kristus okue tu tumine Ombepo Ondjapuki. Na ngashi satana a juga omatatige, osho uo aanankondo kokutja eso ndjoka tali tu sindi atuheni, oljo uo olja dipagua ku Kristus. Eso na satana oja geja no ja hala okunukila aakriste, ihe ojo itaa vulu sha ue. Ngashingeji kaku na nando epangulo ljokukanica mboka je li mu Kristus Jesus. Room. 8: 1.



Ngashi Kristus okua sindi eso, osho a sindi uo uulunde. Je muene okua li omujuuki, ihe oje shokui ikucile oondjo duujuni, okua ningi omulunde. Omolua shoka uulunde ue mu pondo. Omolua shoka Kristus okui igandjele uehame uomushigakano, opo a se, ngashi omunandjo oku nokusa. Okua jalulilua maakolokoshi. Jes. 53: 12. Ihe uujapuki ue muene nandu ua holama, u vule uulunde ue mu tsikua. Uulunde sho ue mu nukile ua kanica oonkondo dauo muje, no ua sile molutu lue, ngashi eso uo.

Osho uo ondiaboli je ja Kristus ji mu jone po, ihe okua ada muje oonkondo itadi sindua kuje. Nando Kristus a fa a suunkundi sigo a gundu, omuje mua holama oonkondo kadi shi kusindua. Satana ine di mona, ihe shokue di ada a sindua kudo. Osho ngeji aanankondo mbaka jatatu: eso, nuulunde na satana ja tulua koho joompadi da Kristus. Oshinima shika otu noku shi pungula naua moomuenjo detu noku-inekela neinekelo lja kola, kokutja mu Kristus Kalunga okua sindi ondiaboli, uujuki ua sindi uulunde, omuenjo gua sindi eso, uuanaua ua sindi uuinaji, esimano lja sindi ohoni. Oshinima shika otu noku shi didilika naua noku shi koneka oluindji.

Omagano ngaka tue ga tsejicilua, opo tu ga taambe shili, ngashi andola Kalunga muene e tu jumuda nena pamue na Kristus. Ngashi ongoje-ito mono uulunde neso mu Kristus, osho uo Kalunga ina hala okumona mu ngoje uulunde omolua Kristus, ongoje ngele ui itaambele ejumuko lja Kristus no ui igameke kuljo. Esilohenda li cike mpoka tatu ke li etelua keitaalo. Ihe esiku lja hugunina eitaalo itali pumbiua ue, okumona kua tameke.

Manga otu li kombanda jevi uulunde, neso, nohoni nuunkundi itau pu mo monjama ihe oho tau hulile monjama. Paitaalo otse aanelaago ngashingeji nokuli. Ngashi Kristus kee nuulunde, no kee neso moomuenjo gaaaluhe, osho otse uo otu li paeitaalo. Uulunde kau ko, no tua ningi aana ja Kalunga. Shaa tuu tua ciki keviluluko, nolutu luetu lua langekua mombila, nolutu luetu uo otalu ka jumukila omuenjo gaaaluhe noluo uo kalu na ue uulunde, olua jela no lua japulua. Nando natango otu li po aankundi naalunde ngashi aantu jalue, ope na tuu ejololo, oshoka koonkondo dombepo Ondjapuki otatu vulu okujanda uuhalu uo panjama niilonga juulunde. Omukriste, nando naje uo ota punduka esiku limue, oje ita kala mo muulunde ue, aue, oje ota jambulua isheue keitedululo lja shili, no ta vulu okuitaala edimopo ljoondjo.

Omukriste kee shi kujelekua pakukala kue kuo-kombanda, oshoka onkoka naje uo ina jela, no e nuunkundi ngashi omboka kaje neitaalo, no e nokuindila shaa esiku: „Tu dimina po oondjo detu”. Ihe ngoka a hala okutseja omukriste, oje ne mu tale paeitaalo. Panjama omukriste uo omulunde, naje uo oku nokusa noku nokuehama omolu uulunde, e nuuehame u vule uakaanakonasha na Kalunga mboka kaje na nando oshimpuju sha sha omolu uulunde. Uujapuki uetu u li peni ano? Ompoka sho tui itaale, otatu peua edimo ljoondjo omolua Kristus, nge tue li indile. Osho oshilonga itashi vulika kaantu jalue, aue, okaakriste ajeke.

Okuitaala edimopo ljoondjo noku li indila okuo oshilonga shombepo Ondjapuki. Okuo itaku vulika nkoka kaku nombepo Ondjapuki. Osho tashi monika maatondi ja Kalunga. Ojo aalunde aanene, ihe oje itaje shi tseja, no kaje na nando oshimpuju omolusho. Esiku limue ngele taje shi pendukile, oje oje nokusa ouala, oshoka oje inaa tseja oonkondo dejumuko lja Kristus.

Elago ljomukriste li li po li cike pamue nokutseja kue kuoonkondo dejumuko no kueopalo lja Kristus mokujumuka kue.

Otu gwana okukoneka nuupenda aue ondjelo ndjika joopala jejumuko lja Kristus. Ngele uulunde tau ku hindi, neivo tali ku tamaneke omolu iilonga joje, nenge omolu uufupi ueitaalo ljoje, tala huka, ngu tje: eno, ongame omulunde nomunkundi, ihe Jesus Kristus okui ikucile uulunde uandje, naje shokua jumuka, uulunde aue negeelo lja uo alihe olja kana. Oto vulu okulombuela uulunde neso nondiaboli: za po mpaka, inda ku Kristus u mu pule mpoka a tula ko oondjo dandje, ngele oje ina uapa oku di humbata, i-

he okua li e noku di galuila ndje! Ngoka ta vulu ngaaka okuundu! ondiaboli ku Kristus ngoka e mu sindi, oje tuu a atuka shili.

Eitaalo lju uka, oljo olja tja ngaaka. Kali shi kufatutulua niitja, aue, oljo oshilonga shombepo Ondjapuki. Ngele u li na, ongoje tuu omukriste. Ngele ku li na natango, li puakena naua. Ino tameka okukondjica uulunde uaa na oonkondo dejumuko lja Kristus. Nge to shi ningi, eitaalo alihe oli nokukana. Ino inekela uujuki uoje muene, ihe efano ndika lja Kristus li cindila moomuenjo guoje, ua fa ino tseja sha shi ili, ngashi omeho itagi imono, ihe otaga mono ouala ondjila tage ende najo. Kristus ngoka a jumuka no a sindi uulunde noheli, ngele u mu na moomuenjo guoje, nena ua aaluka shili.

Martin Luther.

## OONKUNDANA domOuambo.

OSHITUCI SHAAGUNDJUKA.

Aagundjuka aaihongo naanjanja naantananga, oja ningi oshituci shauo meti 11-12 lja November mlihongo. Oja ongalele pamue koshipala sh. Omuaa okutacana omukumo nokukolekacana mndjila jeitaalo. Naasita jatatu ja hijilua mo okukala moshituci shijaka, no, a popica aagundjuka noohapu da Kalunga.

Aagundjuka jojone ja li je na omahokololo gi ili nogi ili ngoka ga kongo oomuenjo doonakukala mo moshituci shijaka. Noondjimbo oombuanaua di imbua nuulaadi shili. Momeho gojendji mua holoka naana enjanju ndjoka tua hala oluindji oku li mona uo. Oshituci shika osha li sha ikuatelele koohapu dika: „Ikolelele, cikama, oje te ku icana.” Etumbulo ndika olja li po tali kuata ajehe lja li ngomukuluntu ta kuata okanona komaako ka uae okuenda ka kola naua shili. Omukunda nguujaka lihongo nogua li gua mono naana elaa-go. Onke naapagani ja li ja kala o oja mono Jesus ta haa ja cikame. Osho tua mono ngeji Omuaa Jesus, ta langa aavu jokoomuenjo nota icana aaloloki ja jambulue shili. Onke ano ongoje omugundjuka longica uuundjuka uoje manga u na oonkondo, u u longicile Omuaa ha uuhalu u'uujuni mbuka moka tamu zi ejonuko ljoje neso uo ljoljene. Ps. 119:9. Tu jeni miilonga jOmuaa.

Thomas Nakanjala.

## ENONGELO LOVAJAKULI VOMAONGALO MU ENGELA.

Okua diladilua ecimbo nokua tokolua momumvo 1949 ku dikue enongelo ljaajakuli jomagongalo. Enongelo ndika lja tungua 1950 no lja japulua 3. 9. 1950. Ongundu jotango ja ji mo ojo: aaimbici. Omboka ja longekidua mo ja zi mo noomuenjo da huama taa longo oondjimbo mongerki mooskola deshasho no dekoloko. Ongundu ja landula aaimbici ja longekidua mo menongelo ndika ojo: aanjoli jomambo miinjanga jomagongalo ja longua mo iivike 3 no ja piti mo ngashingeji otaa longo miinjanga oshilonga shoka je shi longekidilua.

Opo kua landula oongundu mbali daakuluntu jomagongalo ja longekidilua mo uo oshilonga shauo. Engongalo kehe lja tumu aantu jatatu. Aakulukadi jaasitagongalo ja mono uo eha okugongalela moshigongi shauo menongelo tuu ndika. Aakulukadi haajehe ja gongala ko. Omboka ja gongalele ko sho ja zi ko otue shi dimbulula sho je ja komagumbo ojo ja kala pu Jesus. Omitenge dauo diimpuiju jomagumbo da pupalicia nohoole jejakulo ja huamicua.

Aaeangeliste uo ja ningilua mo oshigongi shauo menongelo lovajakuli vomaongalo. Moshigongi muka oshimpuiju shehupico ljoomuenjo daantu sha temua moomuenjo daaeangeliste. Ecimbo efupi — tse tu nokulonga manga omutenja — Omuaa te ja mbala.

Omukuluntu guenongelo ndika oje omuhongi Erkki Hynonen. Moshilonga shika oje oha kuacua kaajakuli aakuauo nge aatumuahongi nenge aalongi naasitagongalo auuambo. Ohoole jopamuaainacana taji kolekua mokulonga pamue no mumue. Enongelo ndika li li po o-



mpompolonga jimue jejambeko taji tondokele mOua-  
mbonferki.

Mu Mai Kalunga ngele e shi hala otamu ka tsiki-  
lua igongi mbisa. Tango aajakuli jomiinjanga taa ka  
gongalela mo 7-19.5.51. No lutijaali, aaimbici moma-  
gonga'oa ka gongalela mo 22.5-2.6.51.

Enongelo lovajakuli vomaongalo tali, indile omago-  
ngalo pahapu domujapostoli Paulus tali ti: „Otandi mu  
kumagida mu kond ele ndje mokugalikanena ndje Ka-  
lunga.” Room. 15:30.

#### ETSEJICILO.

Aalongua aape taa taambua moskola jaahu-  
ngi. Aagundjuka mboka ju uuvite moomuenjo dauo ei-  
cano lj'Omua okuninga aajakuli jaavu, naa tume oo-  
rkapila dauo kOnandjokue ku sister L. Levanen, pe-  
cimbo lj'omuedi Mei.

Oombapila doka tadi pulua odo doka:

1. Ombapila jegongalo.
2. Onzapo ombuanaua jenongelo  
(Standerd 2 nenge 3).
3. Epopilo lj'omulongi guenongelo.
4. Epopilo l'omusita guegongalo.
5. Ehokololo lj'omugundjuka muene.

Aanona mboka inaa guanica omimvo 20, na aje-  
he mboka kaje nolutu lua kola itaa taambua.

Kehe tuu omutumi guoombapila ta tsejicilua ku-  
tse nombilive, unake esiku l'jekonakono lj'okutaamba  
moskola tali ningi.

L. Levanen.

#### EONGALO LIPE.

Fongalo la Ngela la monika oli li po linene u-  
rene. Omikunda edi di na ovapaani itadi hange ko-  
ngerki. Onke ne mua tukulua eongalo lipe. Okatope  
la mona omufita mupe N. Nkatanga. Opo ovapaani  
avese venja va jakulue novakriste jo onakuenda ondji-  
la ile va longe epja olo lipe.

Nena ovakriste ava ove lipulapula omolu osi-  
longa esi ve si peua mepja lipe. Ep a lipe oli na oihua  
nomano, noifidi, nomiti dinene. Ohatu ningi ngaalipi,  
opo tu longe epja eli? Eongalo eli oia tulua po omo-  
lu ovapaani nomolu ondu ovakriste imue. Olo e-  
njamukulo va mona.

Kalunga e va uliki'a apa pe na oihua, nomano,  
n. s. t. kutja tete Oil. 1:8, Jesus Kristus ta ti: mu Je-  
rusalem jomutumua, omo mboli mu na ojo tu e i popja  
oif di n.s.t. Ku Judea okokule tijo ku Samaria. Hano  
omeni tu omo lomuhongua ua Jesus Kristus, opo a  
hange ovapaani tu ovo novakriste tu ovo.

Natango Ompepo ja Kalunga je va tompela ou-  
lunde uavo, u li mooJerusalem davu momaumbo avo.

Ovakulukadi vovatumua va ningilua osongalele  
momudo omukulu metiku 23—27. 11. 1950, okudja  
ku ava hava longo oskola josondaha, fijo ovajakuli a-  
vesevese meongalo. Ova likilua oilonga ei va peua o-  
kutota eongalo eli lipe. Ova tuua omukumo kutja o-  
nje ovatualivangeli pamue novalumentu veni, keedi  
di he na omufita. Ovakulukadi ava ova njamukula sa  
juka.

Ovalongi ovakuetu nje, omaumbo etu oku na  
oifidi. Otasi kuafa sike nande to udifile ovantu,  
lo eumbo loje itali udifile osiuana oso sa Kalunga.  
Ovakulukadi vetu mboli ove li moluhepo. Kape na ou  
e va longa, ve lisiive navo ovatualivangeli mu Judea  
n. s. t. Nomaludalo etu inaa siiva osinima esi sinene.  
Tu longeni omaumbo oo etu. Tu kombeni ompundo, tu  
dilukeni momalunda. Ovakulukadi nava ninge oandaha  
momaumbo. Nokulongua jo etumo leendjovo da Jesus  
Kristus, vo va longe jo oludalo, nokutalela po ova-  
fiekadi neefie n.s.t. Kalunga na sakenife osilonga saje  
mufje.

Malakia Hauuanga, Oka tope.



#### OMUHONGI GUETU OMUKULUPE

HEINRICH BROCKMANN

Okua mana oondjenda de eti 5. 2. 51. Okua adi-  
ka e na oomvula 78. Manga a li omugundjuka o-  
kua longo oshilonga sh'Omua kevi ljaaherero naana-  
ma nokua tungu ongerki j'Outjo, nokue ja mo Usakos,  
oje nokua tumua isheue ku Swakopmund no tua  
kala naje oomvula odindji okupukulula aaherero naa-  
uambo.

Nando a li a kulupa oje okua li ependa moshilo-  
nga sh'Omua. Nokua li a simaneka aasuomi. Tua  
ningi oocigua, oje shokua mana oondjenda de.

Aakuiita j'Omua, kaleni piijeelo jeitaalo, oshoka  
esiku necimbo lj'Omua te ja katu li shi. Jaje uujuni  
uululu, Kalunga oti ile po omapenda ge, tse iijagaja  
otatu uka peni, okomushigakano gu'Omua.

David Shikusinde, Swakopmund.

#### ELONGO LJA HALIKA.

Aagundjuka aauambo ja fa ja tameke okupendu-  
ka kashona, oshoka numvo mua holoka ojendji mboka  
ja hala mooskola daamati nodaakadona. Ihe elongo  
ndjoka efupi natango, oondunge di li po odindji muu-  
juni.

Jamue ja hala okutsikila mooskola dilue doma-  
tsikilo.

Aalongi mboka ja piti nale m'Oniipa ojo uo ja ha-  
la okutsikila natango. Jatatu jauo ja adika ja tumua  
nale moskola jimue ji li mu Bloemfontein, Oranje-Vry-  
staat. Numvo pua tumua gumue isheue, noje e tu  
hokololele ondjila je, nota ti:

#### AAUAMBO AAKUETU AAHOOLIKE.

Onda cikama, m'Ouambo eti 19. 1. 51. Onde ende  
mondjila omasiku 8, nonda ciki ihe mu Bloemfontein  
sho mu Oranje-Vrystaat eti 28. 1. 51. Mondjila ndjo-  
ka onde nda mono iikumica ojindji maantu nomiishi-  
tua. Pomaha ogendji gomu S. W. Afrika nda mono  
aauambo ojendji, jamue ndi ja shi nokuli. Ihe miilando  
jo mu S. Afrika aauambo ja shonopala, sigo omu  
Bloemfontein, inandi mona mo omuambo nando gumue,  
otse atuke jane. Ihe huka oku na aaluude ojendji shili.  
Ojo aajelele komalutu gauo. Ojo aanandunge jokutse-  
ja uunongo uiili no uiili. Ihe ojo aagoja mokutseja  
Kristus Omukulili. Oohapu da Kalunga nomagalikano,  
ogo iijolica jouala. Uukeenakonasha na Kalunga oue  
ja etele uupuidi nuukolokoshi uiili no uiili. Aauambo  
ne oojakuetu, kaleni hamu tu dimbulukua aluhe omo-  
magalikano geni. Oshoka otu li mokati kaantu ja pi-  
laala. Na isheue tandi ti: diginineni egalikano, opo  
epilaalo lja tja ngeji lja ade nok'Ouambo jetu.

J. Nakumbuata, Bloemfontein.

#### UULUNDE UA DINIKA.

Opu na oshiponga oshinene shili maantu inaashi di-  
mbululua, jaa na nasho nando osho uulundelele. Olu-  
ndji omuntu ngele u uvite e na oondjo, ongele a ho-  
nde. No nando okua jona opendji, opu na mboka e  
u tala uaa shi uulunde, nauo uo otu mu kanica shili  
ngashi: oluiho, onjanja, efupa, edipago nelaka, iifu-  
ndja, oontamanana, omakotokelo, uududu, aanongono-  
ni, aalundili, aadinikalunga, aaholuutsa, oonakuita-  
nga, aatotijuuinaji, aadini jaakuluntu, aagoja, aajoni  
jeuvaneno, aakaanohenda, aakaanohoole niinima iiku-  
uo ja fa mbika!

Omunelago oje ngoka ta hempulula omajonagulo  
ge agehe no te ga eca. Oje ota diminua po!

J. Niilonga. P. Kambala.



## OOMBIRIVE.

Heimo D. Johannes. ku Windhoek, ote tu kumagida tu kale tua tonata, oshoka eso otali ja ombadilila, manga inatu li egelela.

P. Shikongo ku Luderits ote tu dimbulukica tu jande oshiponga tashi zi miikolica.

K. Herman ku Swakopmund, ote tu dimbuluca zjo ljo muua li li popepi. Ote ja ombadilila, una ojedji inatu mu tegelela.

S. Nangolo Hiskia mu Kaapstad, te tu londoda tu tile ejonuko tali zi miikolica. Omapijagano ogendji nuuinaji ouindji ueja muujuni omolu iikolica.

Johannes Shangula Kolmanskop, ta ti: "Omu-gundjuka, penduka, oto icanua u longe mepja ljo muua."

Andreas Kandjibi ku Gamis, te tu lombuele tu falele Omuua Jesus oombalagelo.

H. J. Hailaula, Windhoek, ta njematele omashakafano ovanjasha e jadi unene mOushimba. Eshekafano la tja ngaha la dja komutondi muii.

Linus Shilongo mu Luderits, te tu ulukile okupita mosheelo shoka sha cinana no mondjila onshona.

S. Jerobeam Kandume mu Orange River, oku na oshisho neemuenjo dovanjasha ovakuao no kua hala va teme eelampa davo deemuenjo.

F. N. Engombe mu Walvisbaai, te tu dimbuluca kutja omunelago oje omuntu ngoka Omuua e mu dimine po oondjo de. Elaago ndjoka kali shi kujelekua nomalaago gomuujuuni mbuka.

Joel Mundandala, Luderitz, ota ulukile aagundjuka aamati omizalo dauo duugoja, tau monika koospela dauo odindjidindji, komakotili gauo nuutenda ouindji momakutsi.

Filippus Shikomba ku Grootfontein e tu dimbulukifa elaka lomuene la ti: "Osesi otasi kuafa sike, omunu nge ta likola ounjuni ause, nde je ta kanifa omuenjo uaje?"

Paulus Nuujoma, Middelburg, okua hala tu imike oimati ipe jelidilululo la sili.

Paulus Nd. Frans mu Benoni Transvaal, ta ti: Kalunga na hambelele esi a pasula omeso etu neemuenjo detu nomatui. Tua udifilua ehupifo, ndele oso jo edalo lohamba jetu Kristus.

Waino Kelimue mu Grootfontein, ote tu tsejicile ekumagido ljo muua sho ta ti: "Ongoka ta indile ota peua ———"

P. H. Kalola Kolmanskop, ote tu kundu nelaka ndika: "Ombili naji kale nanel"

Israel Iinkono, Orangemouth, ta hambelele, oshoka esilohenda ljo muua ohali kala aluhe.

Simon Hedimbi, mu Windhoek, oku noshisho nomaindilo etu a kale kumue. Ehambelelo nali dje komuenjo shili.

S. Johannes mu Luderitz, te tu dimbuluca kutja Kristus oje oonkondo detu, onke tse aalanduli je tu nokueca iikolica.

Andreas Shekutaamba mu Prieska, te tu dimbuluca eicano ljo mukulili sho ti icana oondjendi naaloloki, je je kuje.

Namadi Ndaumbua, Transvaal, e nosiso kutja onaini hatu likongele omudjalo ua kola ouo Jesus.

A. Ndinehafo Nangonjoto ta halele aagundjuka oojakuauo okutala shoka sho opala no shi shi okuholelua.

Levi Ilekka, Kakamas, ote tu londoda tu jande oshiponga shoka shi li miikolica, oshoka ojendji ja puile mokuhanga omalovu.

O. Filippus mu Walvisbaai, e nepulo tali ti: "Omukuetu, sigo unake to tindile muupagani?"

Festus Amukua mu Windhoek okua mono okakodi ka hala ka kuate okadila ihe okadila ka holama momuti no ka hupu, e taka hambelele Kalunga. Satana okua hala okukuata omuntu kehe. Tu kongeni eholameno mu Jesus. Omuje aahupicua taa imbi ehambelelondjimbo ljuhupico.

## EIFANO.

Mosondaha jepangulo mongerki ovanjasha veongalo va ninga osongalele okutalela po eongalo lavo.

Ndele ve tu singila tu je kosipangelapundi tu he na oumbada, elinekelo alike. Kua kundafanua ealuko ljo mukulili esi. te ja keongalo laje muene.

Meendjovo edi mu dja elaka eli, ote ja koolje? Okovaifanua vaje. Ovo oolje ano? Ovajuda. Eno, ovo. Nani name jo onda ifanua ndi je jo koitendele jOdjona nokosipangelapundi saje, ndi he na omaimbo a sa. Lesa Luk. 14: 18 - 20. Lesa eendjovo

edi opo di tu pule fje nave: Ooljelje hano ava? Ovo ovaifanua. Ova kelelua ku sike hano? Inaku tumbulua kutja va kelelua koulunde uavo ua sa. Oinima tu, ojo omunu a situa a kale najo.

Ove kaume kange, otu li ne ngahelipi neifano eli? Otua dulika tu sili keifano eli, ile nafie jo otu li momaimbo aa. E'aka tali ti: Ou e hoole omukainu uaje, ile epja, eengobe, ile oinima imue komeso a Kalunga, oje okua talua omudini, oje ita makele osivilo oso sa Kalunga a hangika a ifanenua mo muso. Ofie ava tua li kokule neifano eli, Kalunga okue tu tumine ovamati vaje, nafie jo tu landule eifano olo. Otua landula tuu? Ile ua imbua koinima joje. Omunjasa, oso u si hoole komeso a Kalunga oso eimbo loje, no se ku ningifa omudini. Ito i mo. Osesi ino sikula eifano eli, oto ka pja sili. Omukulunu, oua dulika tuu keifano eli? Ile eengobe doje nemona letu le tu kelelela. Ngenge ongaha nena nave jo, name jo, otua talika ovadini veifano. Ito i mo, to ka pja omolu odino esi ua dina eifano lomuene. Elaka tali ti: Osesi ohandi mu lombuele kaku na nande umue movalumenu venja va ifanenua tava makele oitendele jOdjona. Esi itava makele oitendele eji otava ji peni hano? Omehandu. Taku ti: mefuta eli lomudilo. Onke ano hai kulombuele ove omujakuli mukuetu moshilonga esi ua ifanenua mo pamue oulenga ou ue ku kelela esi to longo oilonga ei inenenene sili mengalo? Pamue omo muu hulile eifano loje. Osili elaka eli itali fufia, esi tali ti, ita ka makela ositufi sange. Hano omujakuli nave jo to ka pja ngenge ito sikula eifano. Nani otasi dulika nomujakuli ta ningi omudini veifano nande e li moilonga jejakulo leongalo. Kalunga muene nOmukulili uetu ne tu kuafe tu ha ninge ovadini veifano, ndele ovaduliki keifano eli.

Omakundilo ombili omukueni momuene oje  
M. Mudjanima.

## ENONDELO LJAASITAGONGALO MU ELIM.

Ompumbue jaasitagongalo taa pumbiua momagongalo ja ciminike menongelo ljaasita mu Elim mu taambue aalongua aape ja ka putudilue moshilonga shuusitagongalo. Oomboka ja tokolua ja longue ojo: Malakia Alugongo, Uukolonkadi; Paulus jAndreas, Endola; Timoteus Andreas, Elim; Naftali jAmadila, Uukuambi; Johannes jEkandjo, Ongandjera; Johannes Kalenga, Ongandjera; Matias ja Kristian, Oshigambo; Herman ja Sakeus, Olukonda; Moses ja Shikongo, Okalongo; Tomas ja Tuutaleni, Okalongo; Markus jAmushila, Okankolo; Titus Heita, Ombarantu; Johannes ja Shifiona, Ombarantu; Johannes ja Nantinda, Oshigambo. Omagongalo agehe taga indilua okugalikanena aalongua mbaka naalongi jauo Kalunga e ja jambeke shili!

## AAHONGI JA ZI KU SUOMI.

Kalunga e tu tumine isheue aahongi aape naaku-lu jaali oja galukile moshilonga.

Feilani Liisa Perala, oje omuhungi a kala nale kOkavango sigo a ka fuda ku Suomi. Pehulilo lja Januari okua galukile kOuambo nokua tula kOnandjokue.

Omusamane G. A. sikainen a tsejika naua kaauambo, naje uo okua galuka. Tango okua kala omuedi gumue kOkavango na pehulilo lja Februari a ciki kOuambo. Oje ota ka kala kOnguediva.

Ondohora omupe Eila Saarinen nomusamane gue omusita Taisto Saarinen nojana jatatu oje ja pehulilo lja Januari. Ojo. taa ka kala kOnandjokue.

Aahongi jaali aape je ja uo. Eva Holm okua tula kEngela na Martta Paavola ku Elim kUukuambi. Omuhongi Toivo Tirronen nomukulukadi gue nomuhongi Eero Hatakka nomukulukadi gue nomuhongi U. S. Karhunen ojo ajehe aagundjuka aape no ja cigala ku Kaapa opo ji ilonge tango elaka ljosiafrikaans manga inaa cika kOuambo.

Natango Kalunga okua koleke ngeji oshilonga she muka.

Natu ja galikaneneni, kehe ngoka a uape okulonga e nejambeko.

OMAMBO GAALI ga pumbiua no ga pulua nokuli kojendji ngashingeji oga holoka. Ogo:—OMALANDULACANO gelongelokalunga (mohindonga) na OLITURGIA pashikuanjama. Kehe limue tali pula ocilinga nosipenica (1/6).